

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA DOBOJ JUG  
OPĆINSKI NAČELNIK**

Na osnovu člana 9. i 4. Odluke o stipendiranju redovnih studenata i pomoći nadarenim učenicima srednjeg obrazovanja općine Doboj Jug za studijsku/školsku 2022/2023.godinu („Službeni glasnik Općine Doboj Jug“, broj:01/23) i člana 5. Kriterija za dodjelu stipendija redovnim studentima i pomoći nadarenim učenicima srednjeg obrazovanja općine Doboj Jug za studijsku/školsku 2022/23.godinu, broj: 01-04-91-16/23 od 02.02.2023.godine, Općinski načelnik općine Doboj Jug dana 29.03.2023.godine, raspisuje

**K O N K U R S**

**za dodjelu stipendija redovnim studentima i pomoći nadarenim učenicima srednjeg obrazovanja općine Doboj Jug za studijsku/školsku 2022/2023.godinu**

Za potrebe stipendiranja redovnih studenata i pomoći učenicima srednjeg obrazovanja općine Doboj Jug za studijsku/školsku 2022/2023.godinu u Budžeta općine Doboj Jug za 2023.godinu, ek.kod 614234/3, utvrđena su sredstva u ukupnom iznosu od **29.800,00 KM**, i to :

- Za potrebe stipendiranja studenata u studijskoj 2022/2023.godini **26.600,00 KM**,
- Za potrebe pomoći učenicima srednjih škola u školskoj 2022/2023.godini od **3.200,00 KM**.

Visina stipendije određuje se u mjesečnom iznosu od 100,00 KM za studente prve godine, a za studente druge i viših godina studija u mjesečnom iznosu od 130,00 KM.

Visina pomoći nadarenim učenicima srednjih škola određuje se u mjesečnom iznosu od 80,00 KM.

Stipendije i pomoći bit će isplaćivane u osam jednakih mjesečnih rata, po zaključivanju Ugovora o stipendiranju odnosno Ugovora o pomoći.

Pravo učešća na Konkursu za dodjelu stipendije i pomoći imaju redovni studenti i izuzetno nadareni učenici srednjih škola u skladu sa Odlukom o stipendiranju redovnih studenata i pomoći nadarenim učenicima srednjeg obrazovanja općine Doboj Jug za studijsku/školsku 2022/2023.godinu i Kriterijima za dodjelu stipendija redovnim studentima i pomoći nadarenim učenicima srednjeg obrazovanja općine Doboj Jug za studijsku/školsku 2022/23.godinu.

Neće biti uzete u razmatranje prijave kandidata:

- vanrednih studenata,
- studenata –apsolvenata,
- koji su u tekućoj studijskoj godini na istom ili drugom fakultetu ponovo upisali istu godinu studija,
- koji primaju kredit ili stipendiju drugog davaoca,
- studenata koji nemaju prijavljeno prebivalište na području općine Doboj Jug i čiji jedan od roditelja, usvojioc ili staraoc nema prijavljeno prebivalište na području općine Doboj Jug.

U slučaju da se naknadno utvrdi da se na nekog od izabраниh kandidata odnosi neka od predhodnih alineja, isti će biti eliminisan iz daljnjeg postupka dodjele stipendija.

Zainteresovani kandidat uz prijavu prilaže slijedeće dokaze:

1. Potvrdu o upisu studijske/školske 2022/23.godine
2. Dokaz o ostvarenom uspjehu u predhodno završenim školskim –studijskim godinama,

3. Diplomu ili potvrdu učenika generacije (za učenike prvog razreda srednje škole koji su bili učenici generacije u osnovnoj školi), Uvjerenje/Potvrdu o prosjeku ocjena u predhodnoj studijskoj godini za studente koji su u istoj ostvarili prosječnu ocjenu 9,00 i više ,
4. Ovjerenjena kućna lista ,
5. Nalaz nadležne ljekarske komisije o ocjeni stepena invaliditeta studenta/učenika,
6. Nalaz nadležne ljekarske komisije o ocjeni stepena invaliditeta (RVI, CŽR i neratni invalidi) za svakog člana porodičnog domaćinstva studenta/učenika,
7. Izvod iz matične knjige umrlih za djecu bez oba roditelja
8. Izjavu da ne prima stipendiju ili kredit po drugom osnovu,
9. Lične karte kandidata i roditelja, usvojioca ili staraoca na uvid na osnovu kojih se u Službi sačinjavaju službene zabilješke sa ovjerenim fotokopijama zahtjeva za prijavu –odjavu prebivališta –boravišta / CIPS i za kandidata i jednog roditelja,

Konkurs ostaje otvoren 15 dana od dana objavljivanja. Prijave na konkurs sa potrebnom dokumentacijom zainteresovani kandidati dostavljaju Službi za civilnu zaštitu , opću upravu i zajedničke poslove općine Doboj Jug u vremenu od 07 sati i 30 minuta do 16:00 sati svakim radnim danom. Kontakt osobe Hrvić Edin i Tešnjak Sabina , kontakt telefon broj: 032/699-341 i 032/691-250. Nepotpune i neblagovremene prijave neće biti uzete u razmatranje.

OPĆINSKI NAČELNIK

Mirnes Tukić, dipl.ecc